





RELATÓRIO VISITA MUNICÍPIO ERMERA NO DILI

Programa Atividades FiscaLização Legislatura 2018-2023 Sessão legislativa de 2020/2021

Díli, 27 de Fevereiro de 2020

RELATÓRIO VISITA MUNICÍPIO ERMERA NO DILI

Sumariu:

- Introdução;
- II. Autorização;
- III. Composição Delegação;
- IV. Objetivo Visita;
- V. Programa Visita;
- VI. Conclusão;
- VII. Recomendação;
- VIII. Aprovação;

I. INTRODUÇÃO

Tuir alínea b) número 3 husi artigo 95.º no número 3 artigo 145.º Constituição República Democrática de Timor-Leste, no alínea c) artigo 35.º no artigo 79.º Regimento Parlamento Nacional, fo kompetençia ba Comissão Especializada Permanente sira, hodi hatene tuir assuntos políticos, administrativos no aprecia atos Governo nian;

Visita técnica ne'e baseia tuir Plano atividade Comissão E nian ba tinan 2020, ne'ebé aprovado husi reunião iha loron **21 de Fevereiro de 2020** no ho **despacho PPN Nº 24/02/2020** hodi defini visitas de trabalhos ba iha Município Ermera no Dili hó objetivo acompanha no fiscaliza andamento projetos físicos no obras iha terreno relativo execução orçamento Duo-décimo 2020-2021;

Nune'e iha loron 27- 28 02 de Fevereiro de 2020 Comissão E hala'o Visita de fiscalização ba Município Ermera. Visita ne'e permite atu hatene no acompanha andamento progresso físico projeto implementados, nune'e mos atu observa diretamente iha terreno ba fatin balun nebe maka hetan danos husi desastre naturais tamba mudança climática iha tempo udan.

Comissão E pretende transmiti ba agentes, gestores no executores investimento público, ho intenção hodi assegura qualidade técnica no rigor ba implementação sira, nune'e mos halo controlo no identifica antecedentemente construção público sira nebe

iha possibilidade atu hetan destruição ka estragos. Alein de ida ne'e halo mos controlo ba custos no obrigações ba cumprimento respectivos prazos de ezecução.

Informação Geral Município Ermera Geográficamente iha luan 746 km² ho população nain 117,064 tuir sensus 2020. Autoridade Municipal Ermera iha Posto Administrativo 5 ho sucos 52 no aldeia 277

II. AUTORIZAÇÃO.

Iha deliberação reunião Comissão E ne'ebé realiza iha loron 21 fulan Fevereiro 2020, hodi decide visita fiscalização ba Município Ermera ne'ebé apresenta ba PPN hodi hetan autorização ho despacho nº 24/02/2020.

III. COMPOSIÇÃO DELEGAÇÃO.

Delegação visita ba Município Ermera Composta husi:

1.	Deputado Marcos Xavier	(Vice Presidente)
2.	Deputada Maria Anabela Savio	(Secretária)
3.	Deputada Irene Sarmento	(Membro)
4.	Deputado Domingos Carvalho de Araujo	(Membro)
5.	Deputado Favião de Oliveira	(Membro)
6.	Deputado Mariano Fatubai Mota	(Membro)
7.	Deputado Francisco David X. Carlos	(Membro)
8.	Deputado Adriano do Nascimento	(Membro)

Acompanha husi Técnicos Comissão E, Engenheiro Gui Daniel, Justino Babo, Jornalistas RTTL no Escoltas nain rua.

IV. OBJETIVO HUSI VISITA.

Objetivos visita ne'e atu observa direta condição geral relaciona ho desenvolvimento infraestrutura básica implementados no efetividade husi infraestruturas construidos responde duni ba exigências de necessidades no prioridades tuir preocupações comunidade iha area Júridico Município Ermera no Dili. Alein de ida ne'e, visita ida ne'e mos atu responde ba keixa husi comunidade, atu observa no halibur informação direta ba fatin sira nebe maka hetan danos husi desastre naturais tamba impaktu husi mudança Climátika, hodi nune'e bele haklean liu deputados sira nian conhecimento no

informações atualizados relaciona ho implementação projetos físico ligado ho execução orçamento Duo Décimo ba AF 2020-2021.

V. PROGRAMA VISITA.

Visita técnica ne'e tuir agenda ne'ebé decide hó programa hanesan tuir mai:

- 1. Sorumutu hamutuk ho Presidente Município Ermera no nia estrutura
- 2. Observação ba fatin sira nebe hetan estragos husi desastre naturais:
 - a. Observação ba mota bugasa;
 - b. Observação ba mota Gleno;
 - c. Observação ba estrada sira nebe kotu tamba mudança climática
- 3. Visita ba fatin projeto:
 - a. Visita ba projeto New Construction of Gabions (Gomai River Fatu Quero)
 - b. Visita ba projeto Construção Drainagem iha Manleu Dili

V.1 Sorumutu Delegação Comissão E ho Presidente Município Ermera

Audiência ne'e hala'o iha oras 12:30 loron 27 fulan Fevereiro 2020 ho apresentação husi Vice Presidente comissão E, Deputado Marcos Xavier, ne'ebé hato'o agredecimento ba Presidente Município nia disponibilidade hodi simu delegação iha Sorumutu refere tuir kedas hato'o introdução ba membro deputados sira inclui objetivo husi visita refere.

Tuir mai Vice Presidente Comissão E hakarak rona uluk informação kona ba situação actualizados relaciona ho implementação Projeto sira nebe lao ona nune'e mos rona preocupações, problemas no dezafio enfrentadas ba projeto infraestrutura Público iha tempu udan.

Presidente Município Ermera iha nia abertura hato'o bem vindo no agradecimento ba visita husi distintos deputados sira, nebe mai visita ba projetos sira nune'e mos bele observa direta ba situação atual nebe aconteçe iha Município Ermera liu-liu iha tempo mudança Climática.

Tuir explicação Presidente Município Ermera katak problema geral nebe Município Ermera enfrenta relaciona ho infraestrutura básica sira maka acontece dezastre naturais iha fatin balun durante tempo udan hodi rezulta rai monu, mota sobu comunidade nia rai nebe fo'o risco ba edifício público hanesan Escola, Posto Saúde, estrada ligação

entre Município at, estrada ba posto Administrativo no estrada rural iha fatin balun kotu. Alein de ida ne'e liga ho projeto balun categoria 143 projetos nebe maka companhia sira tenki hapara tamba seidauk hetan contrato husi parte Governo.

Tuir informação husi Presidente Município katak, estrada sira nebe maka ameacado atu kotu ka at iha tempo udan maka estrada Posto Administrativo Fatu Besi, estrada ermera tua. Iha mos estrada fatin balun nebe kotu tamba desastre naturais maibe hetan atendimento ona husi companhia Salimagu Unip, Lda hodi halo estudu no hadia construção.



(Photo 1. Sorumutu ho Presidente Município Ermera)

V.2.a Observação ba mota Bugasa

Depois de sorumutu, tuir mai delegação comissão E nebe acompanhado husi Presidente Município, Obras Públicas no ADN hakat ba observa mota Bugasa nebe sobu rai comunidade no fo ameaça ba edifício Público hanesan Escola Técnico Cafe Instituto (ETCI) no Posto Saúde Ermera Vila.

Tuir Autoridades sira katak iha tinan 2016 iha ona apoio husi UNDP liu husi programa Projeto Top Upgrand nebe entrega diretamente ba comunidade sira hodi zere orçamento no implementa projeto Normalização ba mota refere ho montante Orçamento 32 Mil dollares. Maibe situação atual nebe

aconteçe la condiz ona ho obra nebe implementa, tamba ne'e tuir autoridades sira persija intervenção imediata husi Ministério das Obras Públicas liu husi Instituto Gestão de Equipamento (IGE) hodi halo atendimento iha tempo badak.



(Photo 2. Observação Mota Bugasa

V.2.b Observação estrada Rural

Observação ba estrada rural nebe kotu, baseia ba pedido husi Presidente Município no Autoridade Local sira. Tuir informação husi Autoridades sira estrada refere kotu tamba volume udan nebe bo'ot no valeta sira nebe iha la suficiente hodi acumula volume udan ben.

Situação refere afeta ba uma Comunidade nebe hela besik iha area refere nune'e mos fo impaktu ba atividades regulares comunidade iha Suco Lauala, Posto Ermera villa.



(Photo 3. Estrada kotu iha Suco Lawala)

V.2.c Observação Mota Ermera Villa

Hafoin halo Observação ba Estrada rural, tuir mai equipa delegação hakat ba observa Mota Ermera Vill localiza iha Suco Talimoro, Aldeia Nunsua, Posto Administrativo Ermera Vila nebe impaktu husi udan halo rai monu no fo risco destruição ba comunidade uma.

Hare ba situação atual nebe aconteçe, Presidente Município ermera, Autoridades Local no Comunidade iha area refere apela ba Governo atu urgentemente efetua atendimentu hodi halo normalização ba mota nune bele prevene uma comunidade sira nebe hela besik iha area mota refere.



(Photo 4. Mota Ermera Villa nebe fo ameaça ba uma Comunidade)

V.3.a Visita Projeto New Construction of Gabios (Gomai River Fatu quero)

	New Construction of Gabions (Gomai River
Nome de Projeto	Fatu Quero)
Dono de Projeto/Obra	МОР
Companhia Adjudicatária	Salimagu Unip, Lda.
Valor do Contrato	USD
Número de Contrato	
Data de Início de contrato	-
Duração do Contrato	-
Fiscalização/ Supervisão	
Execução Física (%)	19.7%
Pagamento (%)	%
Localização (Municipio,	
Posto Administrativo)	Ermera, Ermera Villa

Membro Comissão E halo visita projeto refere baseia ba pedido husi Companhia Salimagu Unip, Lda tamba projeto refere tama mos iha 143 projetos categoria emergência nebe implementa iha tinan 2017 fulan Julho. Tuir informação Companhia Salimagu projeto refere implementa tamba mota fatu quero fo'o ameasa ba rai no construção privado no Público sira nebe besik area Mota refere tamba ne'e simu instrução husi parte Governo liu husi Ministério das obras Públicas hodi implementa projeto refere.

Tuir observação iha terreno pojeto refere Parado hela ka la iha atividade de construção tamba companhia seidauk hetan contrato husi parte Governo, maske nune'e tuir informação husi técnico Companhia atualmente progresso projeto atinji ona 19,7%

4.3.b Visita ba projeto Construção Drainagem iha Manleu Dili

Visita ba projeto Construção Drainagem ida ne'e, Membro Comissão E halo baseia ba pedido husi comunidade balun nebe maka lamenta no la satisfas ho serviço companhia nian nebe maka construi fali ferro kabuar rua iha parte klaran Drainagem nomos vigas horizontal nia laran ho intenção atu satan foer.

Tuir queixa husi Comunidade ferro kabuar 2 nebe construi no colocado iha parte klaran Drainagem ne'e taka dalan ba be'e no halo be'e tama ba sira nia hela fatin wainhira iha tempo udan. Alein de ida ne'e ba foer sira nebe maka satan ona parte Governo Ministério das Obras Pública liu husi Direção Nacional Saneamento Básico la mai suru foer sira nebe maka satan hela iha valeta laran.



(Photo 5. Observação projeto Drainagem iha Manleu)

VI. CONCLUSÃO

Resultado husi visita, Comissão apresenta conclusão hanesan tuir mai ne:

- A. Iha tempo udan acontece dezastre naturais iha fatin balun nebe estraga construção Público hanesan estrada, valeta, gabião no edifício público. nune'e mos iha fatin nebe balun fo ameaça no potencia ba rai monu, Mota sobu comunidade nia rai no inundação;
- B. Iha projeto balun nebe categoriza iha 143 projetos tenki hapara tamba companhia seidauk hetan contrato husi Governo maske projeto sira ne'e companhia implementa ona no atingi ona nia percentagem balun;
- C. Iha construção drainagem balun nebe constroi hamosu fali problema ba comunidade nia hela fatin hanesan inundação no foer nebe maka la hamos husi Ministério das Obras Públicas liu husi Direção água no saneamento Básica.

VII. RECOMENDAÇÃO

- A. Recomenda ba Ministério das Obras Públicas liu husi Instituto Gestão de Equipamento atu halo atuação imediata ba construção Público sira nebe hetan estragos husi dezastre naturais no halo prevenção antes fatin sira nebe maka potencia ba destruição nebe afeita ba vida segurança comunidade sira liu-liu sira nebe hela besik iha area mota.
- B. Recomenda ba Governo atu soluciona 143 projetos balun nebe implementa ona maibe tem que hapara tamba seidauk hetan contrato husi Governo
- C. Recomenda ba Direção água no saneamento Básica, Ministério das Obras Pública atu halo estudu viabilidade nebe integrado ba construção drainagem balun nebe constroi hodi hamosu fali problema ba comunidade nia hela fatin hanesan inundação no foer nebe maka la iha Gestão diak husi parte Direção água no Saneamento Básica.

VIII. APROVAÇÃO.

Relatorio ne'e discute ona no aprovado husi deputados presentes iha reunião Comissão E, iha sessão realizada iha loron 05 de Março de 2020, ho votos a favôr, votos kontra e votos abstenção (por unaminidade).

Parlamento Nacional, 05 de Março de 2020.

Presidente da Comissão,

A Relatora,

Abel Pires da Silva

Maria Anabela Savio